

孝經註序

成都府學主鄉貢傅注奉右撰

夫孝經者孔子之所述作也述作
之旨者昔聖人蘊大聖德生不偶
時適值周室衰微王綱失墜君臣
僭亂禮樂崩頽居上位者賞罰不



行居下位者褒貶無作孔子遂乃
定禮樂刪詩書讚易道以明道德
仁義之源修春秋以正君臣父子
之法又慮雖知其法未知其行遂
說孝經一十八章以明君臣父子
之行所寄知其法者修其行知其

行者謹其法故孝經緯曰孔子云
欲觀我褒貶諸侯之志在春秋崇
人倫之行在孝經是知孝經雖居
六籍之外乃與春秋爲表矣先儒
或云夫子爲曾參所說此未盡其
指歸也蓋曾子在七十弟子中孝

行最著孔子乃假立曾子爲請益
問答之人以廣明孝道旣說之後
乃屬與曾子洎遭暴秦焚書竝爲
煨燼漢膺天命復闡微言孝經河
間顏芝所藏因始傳之于世自西
漢及魏曆晉宋齊梁註解之者迨

及百家至有唐之初雖備存秘府
而簡編多有殘缺傳行者唯孔安
國鄭康成兩家之註并有梁博士
皇侃義疏播於國序然辭多紕繆
理昧精研至唐玄宗朝乃詔羣儒
學官俾其集議是以劉子玄辯鄭

註有十謬七惑司馬堅斥孔註多
鄙俚不經其餘諸家註解皆榮華
其言妄生穿鑿明皇遂於先儒註
中採摭菁英芟去煩亂撮其義理
允當者用為註解至天寶二年註
成頒行天下仍自八分御札勒于

石碑卽今京兆石臺孝經是也

唐明皇御製序

并註

朕聞上古其風朴略雖因心之孝已
萌而資敬之禮猶簡及乎仁義既
有親譽益著聖人知孝之可以教
人也故因嚴以教敬因親以教愛
於是以順移忠之道昭矣立身揚



名之義彰矣子曰吾志在春秋行
在孝經是知孝者德之本歟經曰
昔者明王之以孝治天下也不敢
遺小國之臣而況於公侯伯子男
乎朕嘗三復斯言景行先哲雖無
德教加於百姓庶幾廣愛形於四

海嗟乎夫子沒而微言絕異端起
而大義乖況泯絕於秦得之者皆
煨燼之末濫觴於漢傳之者皆糟
粕之餘故魯史春秋學開五傳國
風雅頌分爲四詩去聖逾遠源流
益別近觀孝經舊註踳駁尤甚至

於跡相祖述殆且百家業擅專門
猶將十室希升堂者必自開戶牖
攀逸駕者必騁殊軌轍是以道隱
小成言隱浮僞且傳以通經爲義
義以必當爲主至當歸一精義無
二安得不翦其繁蕪而撮其樞要

也韋昭王肅先儒之領袖虞翻劉
邵抑又次焉劉炫明安國之本陸
澄譏康成之註在理或當何必求
人今故特舉六家之異同會五經
之旨趣約文敷暢義則昭然分註
錯經理亦條貫寫之琬琰庶有補

於將來且夫子談經志取垂訓雖
五孝之用則別而百行之源不殊
是以一章之中凡有數句一句之
內意有兼明具載則文繁略之又
義闕今存於疏用廣發揮

孝經序終



孝經

明襄國後學趙孔昭校刊

開宗明義章第一

仲尼居

仲尼孔子字
居謂間居

曾子侍

曾子孔子弟子

侍謂侍坐

子曰先王有至德要道以順天

下民用和睦上下無怨

孝者德之至道之要也言



先代聖德之生能順天下人心行此
至要之化則上下臣人和睦無怨

汝知之乎曾子避席曰參不敏何足

以知之參曾子名也禮師有問避席起答敏達也言參不達何足

子曰夫孝德之本也人之行莫大於

教之所由生也言教從孝而生復坐

吾語汝曾參起對故使復坐身體髮膚受之父

母不敢毀傷孝之始也父母全而生之已當全而

立身行道揚名於後世以

顯父母孝之終也言能立身行此孝道自然名揚後世

夫孝始於事親

中於事君終於立身言行孝以事親為始事君為中

大雅云無念

爾祖聿脩厥德詩大雅也無念念也聿述也厥其也義取

恒念先祖述脩其德

天子章第二

子曰愛親者不敢惡於人博愛也敬親

者不敢慢於人廣敬也愛敬盡於事親

而德教加於百姓刑于四海刑法也君行博

愛廣敬之道使人皆不慢惡其親則德教加被天下當為四夷之所法則

也蓋猶略也孝道甫

刑云一人有慶兆民賴之甫刑即尚書呂刑也

一人天子也慶善也十億曰兆義取天子行孝兆人皆賴其善

諸侯章第三

在上不驕高而不危諸侯列國之君貴在人上可謂

高矣而能不制節謹度滿而不溢費

驕則免危也約儉謂之制節慎行禮法謂高而不

危所以長守貴也滿而不溢所以長

守富也富貴不離其身然後能保其

社稷而和其民人列國皆有社稷其

貴常在其身則長為社蓋諸侯之孝

也詩云戰戰兢兢如臨深淵如履薄

冰戰戰恐懼兢兢戒慎臨深恐墜

卿大夫章第四

非先王之法服不敢服服者身之表

也先王制五非先王之

法言不敢道非先王之德行不敢行

法言謂禮法之言德行謂道德之行
若言非法行非德則虧孝道故不敢
也
是故非法不言非道不行言必守
法行必

遵道
口無擇言身無擇行言行皆遵法
道所以無可

也擇
言滿天下無口過行滿天下無怨

惡禮法之言焉有口過
道德之行自無怨惡三者備矣然

後能守其宗廟三者服言行也禮卿
大夫立三廟以奉先

祖言能備此三者則
能長守宗廟之祀蓋卿大夫之孝

也詩云夙夜匪懈以事一人夙早也
懈惰也

義取為卿大夫能早
夜不惰敬事其君也

士章第五

資於事父以事母而愛同資於事父

以事君而敬同資取也言愛父與
母同敬父與君同故

母取其愛而君取其敬兼之者父也

言事父兼愛與敬也故以孝事君則忠移事父

於君則為忠矣以敬事長則順移事兄敬以

順矣忠順不失以事其上然後能保其

祿位而守其祭祀能盡忠順以事君長則常安祿位未

守祭祀蓋士之孝也詩云夙興夜寐無

忝爾所生忝辱也所生謂父母也義取早起夜寐無辱其親也

庶人章第六

用天之道春生夏長秋斂冬藏舉分

地之利分別五土視其高下各謹身

節用以養父母身恭謹則遠耻辱用

既克則私此庶人之孝也庶人為孝

故自天子至於庶人孝無終始而患

不及者未之有也

始自天子終於庶人尊卑雖殊孝道

同致而患不能及者未之有也言無此理故曰未有

三才章第七

曾子曰甚哉孝之大也

參聞行孝無限高卑始知

孝之為大也

子曰夫孝天之經也地之義

也民之行也

經常也利物為義孝為百行之首人之常德若

三辰運天而有常五土分地而為義也

天地之經而民

是則之

天有常明地有常利言人法則天地亦以孝為常行也

則天之明因地之利以順天下是以

其教不肅而成其政不嚴而治

法天明以

為常因地利以行義順此以施政教則不待嚴肅而成理也

先王

見教之可以化民也見因天地教是化人之易也

故先之以博愛而民莫遺其親君愛其親

則人化之無有遺其親者陳之以德義而民興行

陳說德義之美為眾所慕則人起心而行之先之以敬讓

而民不爭君行敬讓則人化而不爭導之以禮樂

而民和睦禮以檢其跡樂以正其心則和睦矣示之以

好惡而民知禁示好以引之示惡以止之則人知有禁令

不敢犯也詩云赫赫師尹民具爾瞻赫赫明盛

貌也尹氏為太師周之三公也義取大臣助君行化人皆瞻之也

孝治章第八

子曰昔者明王之以孝治天下也言先

代聖明之王以至德要道化人是為孝理不敢遺小國之

臣而況於公侯伯子男乎

小國之臣至卑者耳

王尚接之以禮況於五等諸侯是廣敬也

故得萬國之權

心以事其先王

萬國舉其多也言行孝道以理天下皆得

歡心則各以其職來助祭也

治國者不敢侮於鰥

寡而況於士民乎

理國謂諸侯也鰥寡國之微者君尚

不敢輕侮況知禮義之士乎

故得百姓之歡心以

事其先君

諸侯能行孝理得所統之權心則皆恭事助其祭享

也治家者不敢失於臣妾而況於妻

子乎

理家謂卿大夫臣妾家之賤者妻子家之貴者故得人

之歡心以事其親

卿大夫位以材進受祿養親若能孝

理其家則得小大之歡心助其奉養

夫然故生則親安

之祭則鬼享之

夫然者上孝理皆得歡心則存安其榮沒

享其祭 是以天下和平災害不生禍亂

不作士敬人懽存安沒享人用和睦

起故明王之以孝治天下也如此言

王以孝為理則諸侯以下詩云有覺

德行四國順之覺大也義取天子有大德行則四方之國

順而行之

聖治章第九

曾子曰敢問聖人之德無以加於孝

乎參問明而孝理以致和平又子曰

天地之性人為貴貴其異於人之行

莫大於孝孝者德之本也孝莫大於嚴父萬

資始於乾人倫資父為天故嚴父莫

大於配天則周公其人也

謂父為天雖無貴賤

然以父配天之禮始自周公故曰其人也

昔者周公郊祀

后稷以配天

后稷周之始祖也郊謂園丘祀天也周公攝政

因行郊天之祭乃尊始祖以配之也

宗祀文王於明堂

以配上帝

明堂天子布政之宮也周公因祀五方上帝於明堂

乃尊文王以配之也

是以四海之內各以其職

來祭

君行嚴配之禮則德教刑於四海海內諸侯各脩其職來助祭

也夫聖人之德何以加於孝乎

言無

大於孝者故親生之膝下以養父母日嚴

親猶愛也膝下謂孩幼之時也言親愛之心生於孩幼比及年長漸識義

方則日加尊嚴能致敬於父母也

聖人因嚴以教敬

因親以敬愛

聖人因其親嚴之心敬以愛敬之教故出以就

傳趨而過庭以教敬也抑搔
癢痛懸衾篋枕以教愛也
聖人之

教不肅而成其政不嚴而治
聖人順羣心以

行愛敬制禮則以施政教
亦不待嚴肅而成禮也
其所因者本

也
本謂孝也父子之道天性也君臣之義

也
父子之道天性之常加以尊嚴又有君臣之義父母生之

續莫大焉
父母生子傳體相續君親

臨之厚莫重焉
謂父為君以臨於巳恩義之厚莫重於斯

故不愛其親而愛他人者謂之悖德

不敬其親而敬他人者謂之悖禮
言盡

愛敬之道然後施教於人以順則逆

民無則焉
行教以順人心今自逆不

在於善而皆在於凶德
善謂身行愛敬也凶謂悖

其德也 雖得之君子不貴也 言悖其德 禮雖得志

於人上君子 君子則不然 禮不悖德 言

思可道行思可樂 思可道而後言人 必信也思可樂而

後行人 德義可尊作事可法 立德行 必悅也

道正故可尊也制作事 容止可觀進

退可度 容止威儀也必合規矩則可 觀也進退動靜也不越禮法

則可以 臨其民是以其民畏而愛之

則而象之 君行六事臨撫其人則下 畏其威愛其德皆放象於

也 故能成其德教而行其政令 身上正 身以

率下下順上而法之 詩云淑人君子

則德教成政令行也 淑善也忒差也義取君 子威儀不差為人法則

紀孝行章第十

子曰孝子之事親也居則致其敬平居

必盡其敬養則致其樂就養能致其權病則致其

憂色不滿容行不正履喪則致其哀擗踊哭泣盡其哀情

祭則致其嚴齋戒沐浴明發不寐五者備矣然

後能事親五者闕一則未為能事親者居上不

驕當莊敬以臨下也為下不亂當恭謹以奉上也在

醜不爭醜眾也爭兢也當和順以從眾也居上而驕

則亡為下而亂則刑在醜而爭則兵

謂以兵亦相加三者不除雖日用三牲之養

猶為不孝也三牲太牢也孝以不毀為先言上三事皆可亡

身而不除之雖日致太牢之養固非孝也

五刑章第十一

子曰五刑之屬三千而罪莫大於不

孝五刑謂墨劓剕官大辟也條有三千而罪之大者莫過不孝要

君者無上君者臣之稟命也而敢要之是無上也非聖

人者無法聖人制作禮樂而敢非之是無法也非孝者

無親善事父母為孝而敢非之是無親也此大亂之道

也言人有上三惡豈唯不孝乃是大亂之道

廣要道章第十二

子曰教民親愛莫善於孝教民禮順

莫善於悌言教人親愛禮順無加於孝悌也移風易

俗莫善於樂風俗移易先入樂聲變隨人心正由君德正之

與變因樂而彰故曰莫善於樂安上治民莫善於禮

禮所以正君臣父子之別明男女長幼之序故可以安上化下也禮

者敬而已矣

敬者禮之本也

故敬其父則子

悅敬其兄則弟悅敬其君則臣悅敬

一人而千萬人悅

居上敬下盡得所歡心故曰悅也

敬者寡而悅者衆此之謂要道也

廣至德章第十三

子曰君子之教以孝也非家至而日

見之也

言教不必家到戶至日見而語之但行孝於內其化自流

於外教以孝所以敬天下之為人父者

也教以悌所以敬天下之為人兄者

也

舉孝悌以為教則天下之為人子弟者無不敬其父兄也

教以

臣所以敬天下之為人君者也

舉臣道以

為教則天下之為人臣者無不敬其君也

詩云愷悌君子

民之父母

愷樂也悌易也義取君以樂易之道化人則為天下

蒼生之父母也

非至德其孰能順民如此其

大者乎

廣揚名章第十四

子曰君子之事親孝故忠可移於君

以孝事君則忠

事兄悌故順可移於長

以敬事長

則居家理故治可移於官

君子所居則化故可

移於官也是以行成於內而名立於後世

矣

脩上三德於內名自傳於後代

諫諍章第十五

曾子曰若夫慈愛恭敬安親揚名則聞命矣敢問子從父之令可謂孝乎

事父有隱無犯又敬
不違故疑而問之
子曰是何言與

是何言與

有非而從成父不義
理所不可故再言之

昔者

天子有爭臣七人雖無道不失其天

下諸侯有爭臣五人雖無道不失其

國大夫有爭臣三人雖無道不失其

家

降殺以兩尊卑之差爭謂諫也言
雖無道為有爭臣則終不至失天

下亡家
國也

士有爭友則身不離於令名

令善也益者三友言受
忠告故不失其善名

父有爭子則

身不陷於不義

父失則諫故
免陷於不義

故當不

義則子不可以不爭於父臣不可以

不爭於君

不爭則
非忠孝

故當不義則爭之

從父之令又焉得為孝乎

感應章第十六

子曰昔者明王事父孝故事天明事

母孝故事地察

王者父事天母事地言能敬事宗廟則事

天地能明察也

長幼順故上下治

君能尊諸父先諸兄

則長幼之道順君人之化理

天地明察神明彰矣

事天地能明察則神感至誠而降福佑故曰彰也

故雖天子

必有尊也言有父也必有先也言有

兄也

父謂諸父兄謂諸兄皆祖考之胤也禮君燕族人與父兄齒也

宗廟致敬不忘親也

言能敬事宗廟則不敢忘其親

也脩身慎行恐辱先也

天子雖無上於天下猶脩

持其身謹慎其行恐辱先祖而毀盛業也

宗廟致敬鬼神

著矣

事宗廟能盡敬則祖考來格享於克誠故曰著也

孝悌

之至通於神明光于四海無所不通

能敬宗廟順長幼以極孝悌之心則至性通於神明光於四海故曰無所

不通詩云自西自東自南自北無思不

服義取德教流行莫不服義從化也

事君章第十七

子曰君子之事上也

上謂君也

進思盡忠

進見於君則思盡忠節

退思補過

君有過失則思補益

將

順其美

將行也君有美善則順而行之

匡救其惡

匡正

也救止也君有過惡則正而止之

故上下能相親也

下以忠事上上以義接下君臣同德故能相親

詩云心乎愛

矣遐不謂矣中心藏之何日忘之

遐遠

也義取臣心愛君雖離左右不謂為遠愛君之志恒藏心中無日斲忘也

喪親章第十八

子曰孝子之喪親也

生事已畢死事未見故發此事

哭不偯

氣竭而息聲不委曲

禮無容

觸地無容

言不

文

不為文飾

服美不安

不安美飾故服縗麻

聞樂不

樂

悲哀在心故不樂也

食旨不甘

旨美也不甘美味故蔬食

飲水

此哀戚之情也

謂上六句

三日而食教

民無以死傷生毀不滅性此聖人之

政也

不食三日哀毀過情滅性而死皆虧孝道故聖人制禮施教不

令至於殞滅

喪不過三年示民有終也

三年

之喪天下達禮使不肖企及賢者俯從夫孝子有終身之憂聖人以三年

為制者使人知有終竟之限也

為之棺槨衣衾而舉

之

周召為棺周棺為槨衣謂斂衣衾被也舉謂舉屍內於棺也

陳

其簠簋而哀感之

簠簋祭器也陳奠素器而不見親故

哀感也

擗踊哭泣哀以送之

男踊女擗祖載送之

卜其宅兆而安措之

宅墓穴也兆塋域也葬事大故

卜為之宗廟以鬼享之

立廟祔祖之後則以鬼禮

享之春秋祭祀以時思之

寒暑變移益用增感以時

祭祀展其孝思也

生事愛敬死事哀感生民

之本盡矣死生之義備矣孝子之事

親終矣

愛敬哀感孝行之始終也備陳死生之義以盡孝子之情

孝經終

刻孝經後言

孝經者漢以來儒者稱其書爲孔子所以授曾子又曾子聖門以孝稱也宋朱仲晦氏於論孟諸書註至西銘諸書亦註獨孝經弗註曰言復非孔氏書余嘗讀家語家語言方之孝經

爲有間先儒亟稱其爲論語所刪夫
聖遠經殘學者誦其詞於數千載之
下亦揆之理焉已矣今以先儒論家
語者論孝經孝經卽非孔氏書亦曾
氏之徒爲之者故漢以來皆以經名
之余生八九歲時徒句讀莫解其義

及弱冠稍解其義又濫仕籍在內在
外或順或逆莫盡其道今且白首又
徒切罔極之哀嗟乎孝之義艱哉撫
浙暇檢篋中習之因反之心叅之行
不覺汗浹背也因爲刺之俾童而習
之者勿以白首而謂有得也

隆慶二年春三月吉王泉山人識

刻孝經後言